




**IX GOVERNUN
KONSTITUSIONAL**

**MINISTÉRIU
ADMINISTRASAUN ESTATAL**

**Grupu Tékniku Interministerial ba
Desentralizasaun Administrativa - GTIM**
(DL 3/2016 republikadu ho DL 84/2023)





**Grupu Tékniku Interministerial ba
Desentralizasaun Administrativa - GTIM**
(DL 3/2016 republikadu ho DL 84/2023)

Kriasaun no misaun

(Art. 139)

1. Harí Grupu Tékniku Interministeriál ba Desentralizasaun Administrativa, habadak ba naran GTIM.
2. GTIM nia misaun maka atu assegura koordenasaun ba orgaun no servisu sira hotu iha Administrasaun Direta ka Indireta Estadu nian ne'ebé intervein iha formulasaun ka ezekusaun Polítika Desentralizasaun Administrativa no Poder Lokal.

Kompeténsia sira

(Art. 140)

Kompete ba GTIM:

- a) Apresenta ba Konsellu Ministrus, liu hosi membru Governu responsável ba Administrasaun Estatal, relatóriu ida kona-ba servisu no rekursu materiál sira, umanu no finanseiru ne'ebé oras ne'e eziste iha nível Administrasaun Lokal;
- b) Apresenta ba Konsellu Ministrus, liu hosi membru Governu responsável ba Administrasaun Estatal, relatóriu ida kona-ba obstákulu hirak principal ne'ebé mosu bainhira hala'o Administrasaun Lokal;
- c) Propoin ba Konsellu Ministrus, liu hosi membru Governu responsável ba Administrasaun Estatal, adopsaun medida hirak ne'ebé bele hadi'a efetividade, ekuidade no efisiênsia iha prestasaun servisu sira hosi parte Administrasaun Lokal;

- d) Apresenta ba Konsellu Ministrus, liu hosi membru Governu responsável ba Administrasaun Estatal, estratéjia sira kona-ba kapasitasaun ba rekursus umanus iha Administrasaun Lokal;
- e) Apresenta ba Konsellu Ministrus, liu hosi membru Governu responsável ba Administrasaun Estatal, proposta hirak kona-ba deskonsentrasaun kompetênsia ba órgaun no servisu Administrasaun Lokal;
- f) Apresenta ba Konsellu Ministrus, liu hosi membru Governu responsável ba Administrasaun Estatal, proposta hirak kona-ba atu entrega fali atribuisaun no kompetênsia sira ba Poder Lokal; \
- g) Apresenta ba Konsellu Ministrus, liu hosi membru Governu responsável ba Administrasaun Estatal, relatóriu periódiku sira kona-ba avaliasaun ba efetividade, qualidade, ekuidade no efisiênsia iha prestasaun servisu sira iha Administrasaun Lokal ;
- h) Akompañá no avalia evolusaun iha transferênsia rekursus umanus, iha prosessu administrativu sira, iha prosedimentu administrativu sira nebe hala'o hela, arkivu dokumentu sira nian, mobiliáriu ba eskritóriu nian, ekipamentu eskritóriu sira, ekipamentu informátiku sira no karreta sira ba transporte, ne'ebé afeta ba

servisu administrasaun sentrá ka ba delegasaun territoriál sira, ba autoridade munisipál sira no atu propoin ba Membro Governu responsável ba administrasaun estatal atualizasaun ka korresaun hirak ne'ebé maka nesesáriu;

- i) Akompañia no avalia ezekusaun Polítika Desentralizasaun Administrativa no Poder Lokal no apresenta ba Membro Governu responsável ba Administrasaun Estatal, proposta hirak ba korresaun no atualizasaun ne'ebé realsiona ho ida ne'e konsidera nesesáriu;
- j) Avalia kondisaun hirak eziste iha kada munisípiu atu harí autarkia lokal;
- k) Diskuti iniciativa legislativa sira ne'ebé iha objektu ka inside ho reforma Administrasaun Lokal;
- l) Diskuti no aprova atas sira kona-ba ninia servisu sira;
- m) Hala'o servisu hirak seluk ne'ebé maka determina hosi Konsellu Ministrus, hosi Primeiru-Ministru ka hosi Membro Governu responsável ba Administrasaun Estatal.

Autarkia Lokal:

Pesoa jurídika pública hosi populasaun no teritóriu nian, ho nia órgaun representativu rasik

Kompozisaun

(Art. 141)

1. GTIM kompostu hosi:

- a. Ministru Administrasaun Estatal, ne'ebé maka prezide GTIM;
- b. Ministru Finansas;
- c. Ministru Obras Públikas;
- d. Representante ida hosi Ministériu Edukasaun;
- e. Representante ida hosi Ministériu Agrikultura no Peskas;
- f. Representante ida hosi Ministériu Justisa;
- g. Representante ida hosi Ministériu Saúde;
- h. Representante ida hosi Ministériu Solidariedade Sosial;
- i. Representante ida hosi Ministériu Komércio no Indústria;
- j. Representante ida hosi Ministériu Turismo no Ambiente;
- k. Representante ida hosi Ministériu Petróleo no Rekursus Minerais;
- l. Representante ida hosi Ministériu Planeamentuno Investimentu Estratéjiku;

- m. Representante ida hosi Ministériu Transportes no Komunikasoins;
- n. Representante ida hosi Ministériu Juventude, Desportu, Arte no Kultura;
- o. Representante ida hosi Sekretaria Estado Komunikasaun Sosial;
- p. Representante ida hosi Sekretaria Estado ba Igualdade;
- q. Representante ida hosi Komissaun Funsan Públika;
- r. Representante ida Hosi Ajênsia Dezenvolvimentu Nasionál, I.P.;
- s. Representante ida hosi Secretariado Técnico da Administração Eleitoral;
- t. Representante ida hosi Instituto Nacional Administrasaun Públika.

2. Membro GTIM nian tuir prevee ona iha alínea d) to'o t) hosi número ida uluk, sei nomeia liu hosi despaxu Primeiru-Ministru no foti hosi diretor-gerál ka diretor nasional hosi órgaun ka organizmu hirak nebe sira representa.

Sorumutu sira

(Art. 142)

1. GTIM hala'o sorumutu ordináriu fulan fulan dala ida no hala'o sorumutuk estraordináriu bainhira iha konvokatóriu ofisiál hosi ninia presidente ka hosi rekerimentu hosi um tersu (1/3) hosi ninia membru sira.
2. Sorumutu GTIM nian sei konvoka hosi ninia presidente, ho antesedénsia mínimu oras hat nulu resin walu (48), liu hosi dokumentu eskritu ne'ebé hakerek:
 - a) Loron, oras no ne'ebé sei hala'o sorumutu GTIM nian;
 - b) Orden traballu ba sorumutu ne'e.
3. Tuir iha sorumutu GTIM nian, maibé la iha direitu ba votu, maka dirijente ka tékniku Administrasaun Públika sira nian, nune'e mos ema hirak ho naran bo'ot no hetan méritu tamba sira nia kontribuisaun importante ba servisu órgaun ida ne'e nian.
4. Hosi sorumutu GTIM sei hakerek akta hirak ne'ebé, hafoin ninia aprovasaun, sei haruka ba Membru Governu sira.

Finansiamentu ba atividade sira

(Art. 147)

Kustu hirak mosu hosi atividade GTIM ka GTP nian sei hetan suporte hosi dotasaun orsamental Ministeriu Administrasaun Estatal nian. :

Organizasaun interna no funsionamentu

(Art. 148)

Ministru Administrasaun Estatal aprova, liu hosi despaxu, regulamentu hirak kona-ba organizasaun no funsionamentu GTIM no GTP nian.

Bele aplika ba GTIM, regra hirak preve ona iha artigu 22o to'o 31o hosi Decreto-Lei n. 30/2020, loron 29 fulan Julho hanesaun tuir mai:


Prezidente no Sekretáriu

(Art. 22)

1. Kada órgaun administrativu kolejiál hetan Prezidente ida no Sekretáriu ida, ne'ebé membru hirak kompin orgaun administrativu kolejial maka hili sira, maibé oinseluk bainhira lei preve oinseluk.
2. Kompete ba Prezidente órgaun kolejiál, tama tan ho funsaun seluk ne'ebé nia simu atu:
 - a) Konvoka sorumutu órgaun kolejiál ne'ebé nia preside;
 - b) Defini ordem traballu ba sorumutu ne'e;
 - c) Loke no taka sorumutu sira;
 - d) Dirige servisu sira;
 - e) Assegura atu kumpri lei no deliberaun ho regularidade.

Órgaun kolejial:

Sentru institucionalizadu ba poder funsional sira, ne'ebe kaer hosi ema natural liu nain ida.

- 
3. Prezidente bele deit suspende ka taka antepadamente sorumutu bainhira sirkunstansia hirak esepsional ejioji atu hala'o ida ne'e, liuhusi desizaun ida ne'ebé bele justifika no hakerek iha akta sorumutu nian, ne'ebé bele revoga hanesan rekursu ne'ebé hato'o kedas ba órgaun nia plenáriu no hetan votasaun favorável no tuir ninia dalan, liuhusi maioria dois-terços hosimembru hirak ho direitu ba vota.
 4. Prezidente ka ema ne'ebé troka nia bele reaje tuir dalan judisiáriu hasoru deliberaun hirak hosi órgaun ne'ebé nia maka prezide bainhira nia konsidera katak deliberaun hirak ne'e la tuir lei, nune'e mos atu buka hetan providénsia hirak kautelar no adekuada.
 5. Sai nu'udar suplente prezidente no Sekretáriu órgaun kolejiál , maka vogal antigu liu hosim prezidente nian no resente liu vogal hosi Sekretariu nian no bainhira sira ne'e hetan empate maka hili vogal ida ho otas boot no klosan liu, maibé oinseluk bainhira lei ka estatutu hakerek oinseluk.
 6. Kompete ba órganu atu desidi konaba verifikasaun ba presupostu hirak relasiona ho intervensaun hosi naran suplente ida.

Sorumuitu Ordináriu

(Art. 23)

1. Bainhira lei, estatutu ka rejimentu ka órgaun nia deliberasaun la determina, maka, Prezidente bele fiksa loron no oras atu hala'o sorumutu ordináriu.
2. Kualker mudansa ba loron no oras ne'ebé hakerek ona iha lei, estatutu ka regimentu konaba atu hala'o sorumutu sira tenki komunika, minimu horas 48 antes, ba órgaun nia membru hotu-hotu, hodi nune'e bele garante katak sira hatene ona ho seguru no oportuno.

Sorumutu Extraordináriu

(Art. 24)

1. Atu hala'o sorumutu extraordináriu sei Prezidente maka konvoka, maibé oinseluk bainhira iha regra especial ne'ebé preve iha lei, estatutu ka regimento.
2. Prezidente iha obrigasaun atu konvoka sorumutu bainhira pelumenus undersu hosi vogal sira husu pureskritu, hodi hatudu assunto ne'ebé sira hakarak atu koalia, hanesan hakerek tuir mai:
 - a) Konvokatoria ba sorumutu tenke fo-sai ona loron 15 hafoin simu pedidu, maibé ho minimu horas 48 antes, molok atu hala'o sorumutu;
 - b) Iha konvokatoria ne'e tenke hakerek ho espesífiku, asuntu hirak atu koalia iha sorumutu;
 - c) Karik Prezidente la halo konvokatoria ne'ebé maka rekér ona, maka rekerente sira bele halo rasik konvokatória, hodi temi iha konvokatoria ne'e circunstância saida, hodi fo-sai konvokatoria ne'e, horas 48 antes, ba membru kolejiál sira.

Órdem Servisu

(Art. 25)

1. Órdem servisu ba kada sorumutu, sei estabelese hosi Prezidente no, karik iha regra espesial oinseluk, maka tenki inklui mos asuntu hirak ne'ebé, kualker vogal ida hatu'o tiha ona ba finalidade ida ne'e, naran katak ida ne'e kompeténsia órgaun nian no pedidu ne'e hatu'o pureskritu ho antesedénsia minimu loron lima, loron-servisu-nian, molok hala'o sorumutu.
2. Bele halo deit deliberaun konaba objektu ne'ebé tama ona iha ordem servisu sorumutu nian.
3. Iha esepisaun sira ba provizaun sira hosi número anterior, kazu hirak ne'ebé, iha sorumutu ordináriu ida, pelumenus dois-tersus hosi membru órgaun nian sira rekoñese urjênsia atu halo kedas deliberaun ba assunto ne'ebé la inklui iha órdem servisu.
4. Ilegalidade ne'ebé mosu tanba la kumpri regra hirak relaciona ho konvokatória sorumutu orgaun kolejal sira nian, bele hadiak fali, bainhira membru hotu-hotu hosi órgaun ne'e, tuir hotu iha sorumutu, no la iha membru ida maka la hatan fali atu hala'o.

Kórum sorumutu nian

(Art. 26)

1. Órgaun kolejiál sira bele deit hala’o sorumutu, bainhira sira atu ba tuir sorumutu ne’e hamutuk pelumenus um-tersu hosi total membru ne’ebé hakerek iha lei.
2. Esepsaun sira ba provizaun sira hosi númeru anterior, órgaun kolegiál sira ne’ebe kompostu hosi membru na’in tolu to’o lima deit, basa ida ne’e ema na’in rua deit atu forma Korum ne’ebé presiza ba hala’o sorumutu.

Kórum ba halo Deliberaun

(Art. 27)

1. Tuir regra, katak órgaun kolejiál bele deit delibera, bainhira hetan maioria hosi numeru legal ninia membru hirak ho direitu atu vota.
2. Bainhira iha primeira konvokatoria la hetan korum ida tuir preve ona iha numeru ida uluk, maka, iha mínimu horas 24 nia laran, tenke konvoka fali sorumutu foun.
3. Karik laiha dalan seluk ona, maka órgaun kolejiál hirak tuir iha sorumutu segunda konvokatória nian, bele halo deliberaun, naran katak ninia membru hirak ho direitu ba votu bele kompleta um-tersu.
4. Iha órgaun kolejiál hirak ne'ebé ninia membru sira kompostu hosi ema na'in tolu to'o lima, maka ema na'in tolu bele ona forma korum ne'ebé precisa atu halo deliberaun, bele mos iha segunda konvokatoria.

Sorumutu hirak públiku

(Art. 28)

1. Sorumutu órgaun administrativu kolejiál sira la'os públiku, exetu lei prevee buat seluk.
2. Bainhira sorumutu sira tenke sai públiku, maka tenke fo-sai ba públiku konaba lora, ora no fatin hirak atu uza ba sorumutu ne'e atu nune'e ema interesadu sira bele hatene ho antedecência hora 48, molok lora sorumutu nian.
3. Bainhira lei determina ka órgaun halo ona deliberasaun konaba buat ida ne'e, maka ema hirak ne'ebe assiste sorumutu públike ne'e, bele intervein hodi komunika, husu informasaun ka hatoo sira nia hanoin konaba assunto hirak relevante iha kompetência orgaun ne'e nian.

Oinsa atu Vota

(Art. 29)

1. Deliberasaun bele hala'o, hafoin hala'o tiha diskusaun konaba proposta hirak ne'e, bainhira naran membru órgaun kolegial ida hatudu ninia interesse ba ida ne'e no, karik lei haruka oinseluk, vogal sira maka tenke vota uluk no, ikusmai, maka presidente.
2. Deliberasaun hirak ne'ebé envolve juiz valor ida ba komportamentu ka kualidade ema nian, maka deliberasaun ne'e sei hala'o liu hosi votasaun sekretu, no presidente maka determina oinsa hala'o votasaun, karik sei duvida konaba objektu deliberasaun nian.
3. Bainhira exige fundamentasaun, maka presidente órgaun kolegial maka sei hatur fundamentasaun konaba deliberasaun hirak hala'o tiha ona liu hosi votasaun sekretu hodi temi mos diskusaun ne'ebé hala'o uluk tiha ona.
4. La bele tuir diskusaun no hato'o sira nia votu, membru órgaun nian hirak ne'ebé hetan ka hanoin katak sira hetan impedimentu.
5. Bainhira lei la haruka, maka bandu ba membru hirak hosi órgaun konsultivo no órgaun deliberativu hirak hala'o hela sira nia funsaun konsultiva atu abstain.

Maioria exigível iha deliberasaun sira


(Art. 30)

1. Deliberasoens sei foti, liu hosi maioria absoluta votu nian, hosi membru hirak tuir sorumutu, exetu ba kazu hirak ne'ebé lei ka estatatutu, ejiji maioria qualificada ka naton deit ho maioria relativa.
2. Bainhira ejiji maioria absoluta maib'e la hetan maioria ida ne'e, no la iha empate, maka sei hala'o kedas votasaun foun, karik situasaun hanesan ne'e mantein nafatin, maka bele adia deliberasaun ba fali sorumutu tuir mai no iha neba, naton deit ho maioria relativa.
3. Karik hetan empate iha votasaun, maka presidente sei kaer votu qualidade ka, karik lae, maka bele mosu dezempate, maibe oinseluk bainhira votasaun hala'o sekretu.
4. Bainhira mosu empate iha votação sekreta, maka tenki hala'o kedas votasaun foun no, karik nafatin mosu empate maka adia tiha deliberasaun ba sorumutu tuir mai.
5. Karik iha votasaun da-uluk hosi sorumutu tuir mai, nafatin mosu empate, maka sei hala'o votasaun nominal, ne'ebé konsidera maioria relativa hanesan naton ona.

Akta sorumutu nian

(Art. 31)

1. Ba kada reuniaun tenki hakerek minuta, ne'ebé hakerek resumu konaba hotu-hotu ne'ebé okorre no ne'ebe relevánte ba koñesimentu no ba avaliasaun konaba legalidade deliberaun ne'ebé hola, designadamente konaba data no fatin reuniaun, órdem servisu, membru ne'ebé iha, asuntu ne'ebé hakerek, deliberaun ne'ebe hola, forma no ható'o votasaun no Prezidente nia desizaun.
2. Sekretariu sei hakerek Akta sira no submete ba aprovasaun hosi membru sira, bainhira remata ona sorumutu ka bainhira hahú sorumutu tuir mai, hodi hetan assinatura, hafoin aprovasaun hosi prezidente no sekretáriu.
3. Sei la participa iha aprovasaun konaba Akta sira ne'e, membru hirak ne'ebé la tuir sorumutu ne'ebé hala'o ba ida ne'e.
4. Karik hetan deliberaun hosi órgaun, maka sei aprova akta iha kedas sorumutu ne'ebé hala'o ba ida ne'e, iha minuta sintétika, no tenke transkritu ho konkretu tebes no submete fali ba aprovasaun.

- 
5. Akta hirak ne'e hamutuk sei hetan konfirmasaun no hetan pájina hodi bele facilita, bainhira atu hatama tan Akta hirak foun no impede netik atu Akta hirak ne'e haksoit ba fatin seluk.
 6. Deliberaun ba órgaun kolejiál bele deit sai efikaz, hafoin Akta hirak ne'e hetan aprovasaun ona, ka hafoin assina tiha minuta hirak ne'e, no efikásia hosi deliberaun hirak ne'ebe temi iha minuta nia laran sei remata, bainhira Akta hosi sorumutu ida ne'e la produz hikas fali.
 7. Membru órgaun kolejiál sira bele hakerek iha Akta nia laran, sira nia votu hanesan vencido, hodi fo-sai razaun hirak ne'ebe justifika sira nia voto, hodi nune'e, sira livre hosi responsabilidade hirak mosu bainhira hola decisão sira.

